

Տ Ե Ղ Ե Կ Ա Տ Ո Ր

Պ. Սիմէօն Առաքելեան Առաքիւեանը Բաքուի դորժակալ Տ. Եղիշէ աւագ քահանայ Գեղամեանի ձեռքով սւղարկել է Մայր Տաճարի յատակին փռելու համար 510 արշին փսիւթ:

Մայր Տաճարի Լուսարարապետ Տ. Ղեանդ Եպիսկոպոսը ընդունելով յիշեալ նուէրը՝ յայտնում է նուիրատուին իւր շնորհակալութիւնն ու օրհնութիւնը:

Կ Ո Չ

Կովկասի Հայոց Բարեգործական Ընկերութիւնը ներկայ 1911 թուին բոլորում է իր դորձունէութեան երեսնամեակը, Ընկերութեան կանոնադրութիւնը հաստատուած է 1871 թուին, իսկ առաջին ընդհանուր ժողովը տեղի է ունեցել նոյն տարուայ նոյեմբերի 15-ին: Թէ սրպիսի նպատակ ունի յիշեալ պատկուելի ընկերութիւնը հայկական կեանքում, այդ մանրամասնօրէն նկարագրուած է նրա յօրեւեանական ատկերազարդ հրատարակութեան մէջ: Բաւական է յիշել որ նա մեր հայկական իրականութեան մէջ մեծ են շանաւոր կուլտուրական դեր է կատարում:

ա) Ներկայիս Ընկերութիւնը Կովկասում գտնուած հայկական բոլոր աչքի ընկնող վայրերում ունի 46 ճիւղեր:

բ) Թիֆլիսում պահում է սրբանոց, ուր սնում են 33 որբ հայ աղջիկներ և որոնք ուսում են առնում հայկական դպրոցներում:

գ) Ունի հարուստ գրադարան, ընթերցարան, որոնցից օգտուում են ամիսը 3000 հօգուց աւելի անձինք:

դ) Պահում է աշակերտական ճաշարան, որից օգտուում են՝ օրական 300-ից աւելի՝ չքաւոր հայ աշակերտաշակերտուհիներ:

ե) Արժէքաւոր երկեր հրատարակելու համար ունի առանձին «Հրատարակչական ֆօնդ», որ կազմուած է Ա. Պօղոսեանի նուիրած գումարով:

զ) «Արովեան-Նաղարեան գրական ֆօնդ» հայ գրականագէտներին նպաստելու համար:

է) Օգնում է թէ կենարոնում և թէ գաւառից եկած բազմաթիւ կարօտեալներին ու հիւանդներին և գործօն դեր է կատարում ժողովրդական ընդհանուր աղէտների՝ սովի, հրդեհների և զանազան համաճարակ հիւանդութիւնների ժամանակ:

ը) Օգնութեան ձեռք է կարկառում հայրենիք վերադառնալ ցանկացող հազարաւոր տաճկահայ դաշմանականներին:

թ) Բացի վերոյիշեալներից, Կովկ. Հ. Բ. Ընկերութիւնը առանձին ուշադրութիւն է դարձնում գաւառի շատ յետ մնացած հայ ազգաբնակչութեան մէջ լուսաւորութեան տարածման վերայ, նպաստելով գիւղական մօտ 1000 աղքատ դպրոցներին:

ժ) Խառններում պահում է դրագարաններ, ընթերցարաններ, արհեստանոցներ և այլ հանրօգուտ հիմնարկութիւններ:

Վերոյիշեալ ուղղութեամբ գործում են նաև Ընկերութեան ճիւղերը՝ ըստ չափու իրանց կարողութեան:

Կ. Հ. Բ. Ընկերութիւնը՝ քաջ գիտակցելով լուսաւորութեան ահագին դերը հասարակական կեանքի յառաջխաղացման մէջ և տեսնելով հայ ազգաբնակչութեան խոշոր մասի ահաելի ազիտութիւնը, առանձնապէս ուշադրութիւն է դարձնում այդ յոյժ կարևոր գործի վրայ, և իբրև ամենակարևոր և խոշոր կոթող նրա յօգեւեանի, նա վճռեց յաւերժացնել վերջինս, հիմնելով «ԴՊՐՈՑԱԿԱՆ-ՈՒՍՈՒՅԶԱԿԱՆ ՖՕՆԴ», որի նպատակն է լինելու, առաջին՝ աւելի լայն ծաւալով տարածել լուսաւորութիւնը հայ ազգաբնակչութեան մէջ և երկրորդ՝ օգնել այն բազմաշխատ հայ ուսուցիչ-ուսուցչուհիներին, որոնք երկարատե ու ծանր աշխատանքից դարձել են անզօր՝ իրանց դուրսութիւնը պահպանելու, տալով նրանց կամ միանուագ նպաստ կամ նշանակելով կենսաթոշակ:

Անհուն բերկրութեամբ պիտի յիշատակել, որ թէև բարեբախտաբար, մեզ մօտ գտնուել են բարերարներ, որոնք՝ ժողովրդական լուսաւորութեան կարևորութիւնը

դիտակցելով, արձագանք են տուել ընկերութեան ձայնին, օգնութեան ձեռք կարկառելով լուսաւորութեան տարածման համար, որոնց անունները, պատկերները և գործերը տպուած են յօգեւեանական հրատարակութեան մէջ, սակայն այդ բոլորը մի կաթիլ է կարեաց օվկիանոսում:

Ահա թէ ինչո՞ւ կովի, Հայոց Բարեգ, Ընկերութեան Խորհուրդը դիմում է Ձեզ, յարգելի Պարոն և խնդրում է չը զլանաք Ձեր լուսման ձգելու յօգուտ վերոյիշեալ ֆօնդի, որի նպատակը անչափ վեհ է և նշանակութիւնը կենսական ու մեծ: Բացի յիշեալ ֆօնդը, Դուք կարող էք Ձեր նպատակը յատկացնել համաձայն ներքե տպուած կանոնադրութեան § 2-ի, ուր մանրամասնօրէն նշանակուած են Ընկերութեան նպատակները:

ՆՈՐԻՆ ԿԱՅՍԵՐԱԿԱՆ ՄԵԾՈՒԹԵԱՆ ԿՈՎԿԱՍԻ ՓՈԽԱՐԲԱՅ՝ ՎՍԵՄԱՓԱՅԼ ԿՈՄՍ Ի. Ի. ՎՈՐՈՆՅՈՎ ԴԱՇԿՈՎԸ իր բարձր ուշադրութեանն արժանացնելով ընկերութեանս Խորհրդի խնդրը, բարեհաճեց թոյլատրել մինչև սոյն տարուայ վերջը հանգանակութիւն բանալ իր փոխարքայութեան սահմաններում՝ յօգուտ վերոյիշեալ ֆօնդի: Ուրեմն՝ մեզ մնում է օգտուել վերոյիշեալ իրաւունքից և լրջօրէն վերաբերուել դէպի այն ֆօնդը, որից այնքան մեծ բարիքներ պիտի ոպասեն թէ լուսաւորութեան տարածման գործը և թէ աղքատ ուսուցչութիւնը, որի նխթական դրութիւնը այնքան խղճալի է,

Կ. Հ. Բ. Ընկերութեան Խորհուրդը լիայոյս է, որ հայ հասարակութեան բոլոր խաւերն ի բոլոր սրտէ արձագանք կըտան ներկայ կոչին և, ի նկատի ունենալով ընկերութեան բեղմնաւոր կուլտուրական մեծ դերը հայկական կեանքում, իրանց առատ նուիրատուութեամբ թէ կը խրախուսեն և թէ ոյժ կըտան ընկերութեանը աւելի ևս արգասաւոր կերպով և մեծ ծաւալով արտայայտել իր գործունէութիւնը՝ գլխաւորապէս գիւղական և աղքատ ազգաբնակչութեան մէջ:

§ 2. Այս նպատակին հասնելու համար Ընկերութիւնը՝ օրէնքով սահմանած միջոցներով ու կարգով, իր ուժերի զարգացման համեմատ՝

ա) պահպանում է արդէն գոյութիւն ունեցող հայոց ուսումնարաններ, հիմնում է և նիւթականապէս նպաստում է նորերի բացման.

բ) օժանդակում է ժողովրդի մէջ արհեստներ տարածելուն:

գ) օգնում է ուսանողներին ուսման մէջ.

դ) Լոյս է ընծայում գրքեր ու պարբերական հրատարակութիւններ ժողովրդի ընթերցանութեան համար և այլ գրական երկասիրութիւններ.

ե) հիմնում է տպարաններ, վիճագրատներ, մուշէյումներ, գրադարաններ և ընթերցարաններ.

զ) հիմնում է հիւանդանոցներ, ամբուլատորիաներ (հիւանդանոց երթևեկ հիւանդների համար), ապաստարաններ, հասարակական ճաշարաններ, թէյատներ, էփանդին բնակարաններ, գիշերելու տներ, պատսպարաններ, հանրակեցարաններ, աշխատանքի տներ և այլ բարեգործական հաստատութիւններ.

է) օգնում է տառապեալներին ժողովրդական աղէտների ժամանակ, այն է՝ սովի, տարափոխիկ հիւանդութիւնների, հրդեհի և այլն, որի համար՝ իւրաքանչիւր առանձին դէպքում պատշաճաւոր թոյլտուութեամբ՝ բացում է հանգանակութիւն, կազմակերպում է սանիտարական մասնակիւսներ կամ ուղարկում է իր կողմից լիազօրներ.

ը) օգնում է կարևոր դէպքում նիւթականապէս և բարոյապէս իր տեղական ճիւղերին, ինչպէս և հայկական այլ ընկերութիւններ և հաստատութիւններին:

Ստացուած գրքեր.

Ա. Տեղեկագիր. 1909—1910 ուսումնական տարուայ Մարիամեան—Յովնանեան օրհորդաց դպրոցի. Թիֆլիս. 1911.

Բ. Սիօն վարդապետ Տէր Մանուէլեան.—Արարեսեան բարբառի ժողովրդական բառերի ցուցակ. Բառափնջիկ. Ս. Էջմիածնի տպարան. 1911.

Գ. Մեացեալ ընկերութիւնը Հայոց. վարժարանը. դպրոցական տարեշրջան 1910—1911. Կ. Պոլիս,

Դ. Գրեգոր աւ. քհ. Մանդակունու ԶԶՈՒԱՆՔՆԵՐ. Թիֆլիս 1911. գինն է 20 կօպ.

Ե. ՄԱՂԱՔԻԱ ԱՐՔԵՊՍ. ՕՐՄԱՆԵԱՆ ԵՒ ԿԱԹՈՒՂԻԿՈՍԱԿԱՆ ԸՆՏՐՈՒԹԻՒՆ. գրեց Գարեգին վրդ. Յովսէփեան. Բ. տպագրութիւն. Թիֆլիս. 1911. գինն է 10 կօպէկ: